

Ч. 29. (113.)

Крыница, четверг дня 30. липня (17.) 1936.

Рок III.



Орган Лемковского Союза.

Пренумерата в краю:
30 грошей місячно,
80 „ квартално
1.50 „ полрочно,
3 зл. рочно.
В Америкі: 1 дол. рочно.
В Чехословакии:
2 кор. місячно, 10 кор. полрочно,
20 кор. рочно.
Ціны оголошень:
Ціла сторона 120 зл., 1/2 сто-
роны 60 зл., 1/4 стороны 35 зл.,
1/8 стор. 20 зл., 1/16 стор. 10 зл.;
оголошення малы за 1 мм. 20 гр.,
в тексті 30 гр., перед текстом
40 гр. При місячном и долгом
оголошенію значна знижка.
Кonto чекове Нр. 404.155.

Выходит в каждый четверг.

Редакция и администрация в Крынице. — Адрес „Лемко“ Крыница.

Всіх читателей, котры не вплатили ище пренумераты, просиме выровнати якнайскорше рахунки.

НОВЫЙ АПОСТОЛЬСКИЙ АДМИНИСТРАТОР ДЛЯ ЛЕМКОВЩИНЫ.



Святійший Отец Папа Пий XI. заименовал
дня 8. липня т. р. Апостольским Админи-
стратором для Лемковщины

О. Д-ра Якова Медвецкого
Архидиякона и Прелата в Станиславові.

Тота номинация кладе конец долгой не-
пewности и тяглым напастям со стороны

украинофилов, котры до послідной минуты
розсівали ложны висти на тему так самого
существованія Апостольской Администрации,
як и кандыдатов на тот высокый пост.

Факт именованія Апостольским Админи-
стратором О. Д-ра Якова Медвецкого, уче-
ного богослова, образцового пастыра, идей-
ного русского патриота має для нас велике

значение и доказує, же Апостольска Столица
в своей заботливости о религиозны справы
ставит выше интересы церкви и религии
як желанія росполитикованных церковных
єрархов. Доказує она также добру волю
польского Правительства, котре пошло на
встрічу широким масам населенія и предло-
жило Апостольской Столиці назначити на
тот высокый пост человека переполненного
беззавітном любовью до нашего [обряду
и народа. И тому віриме, же Всевышний
допоможе новому Апостольскому Админи-
страторови преодоліти всі перешкоды
и запровадити на Лемковщині мир, спокой
и братску любовь.

Прото тыж витаме нового Апостольского
Администрактора с чувством широй радости
и желаме Ему успіха в трудной церковной
и народной работі!

* * *

Ексцеленция О. Др. Медвецкий родил ся
в Цвітовой, повіт Бучач, дня 7. січня 1880 р.
До гимназии учащал в Бучачи и Станисла-
вові. По оконченію гимназии в р. 1900 за-
писал ся на Боголовскы студии во Львові,
котры окончил в 1904 р. Дня 7. квітня 1905.
был высвяченый на священника Стани-
славовской Епархии. Через 1 1/2 року был
душпастерем в місточку Озерянах коло Бор-
щова, откаль выїхал на высшы богословскы
студии до Відня, где 6. липня 1910 получил
докторат св. Богословія. От 1. жолтня
1900 р. был [професором св. Богословія
в духовной семинарии в Станиславові, а от
1921 р. референтом Еписк. Консыстории.
В р. 1925. назначеный Соборным Крылоша-
нимом, а в 1927 р. Кустосом Станиславов-
ской Капитулы. В році 1935 был именован-
ный Архидияконом и Прелатом домовым Его
Святости Папы Пия XI. а тепер Апостоль-
ским Администрактором для Лемковщины.

Ексцел. О. Др. Медвецкий головік вели-
ких дарований высокой науки и кристаль-
ного характера. Бере живу участь в об-
щественном житію и належит до многих
руских организаций.

Діти-подпалачи.

Ведля статистики в останніх 5-ох роках було 2.300 пожаров спричинених дітьми. Шкоду, яку вирідили тоті пожари, обчислюють на 10 миллионов злотых.

Розуміє ся, же діти в тих случаях не подпалали с розмыслом и злом вольом. Они не лем не подпалили со свідомым наміренем, але не здавали собі справи с опасности пожару.

Пояснити тото єст легко: діти сут неосторожны, нерозважны, бавят ся часто огнем и подпалают. Цыфра пожаров свідчит однак о том, же діти сут без призора и опеки и над тым треба бы ся призадумати.

Мати и отец, заняты тяжком роботом в поли, оставляют часто діти без опеки. Діти бавят ся с другима дітьми и часто набаерают от них недобрых привычек, чим грызут ся родичи, але помимо того не дают дітям опеки, бо, по просту, не могут.

А преця было бы значно лучше, як бы нашол ся в селі дом, до котрого за невеличком оплатом приходили бы діти и там проводили час под надзором квалификованных сил.

Маме много окончених гимназиялистов и семинаристов, котры не могут достати занятя. Тоты люды за невеликы гроши подняли бы ся провадити такый дітський садок, в котром діти не лем нашли бы потребу им опеку, але также научили бы ся много доброго. Родичи были бы спокойны о свои хаты а также и о того, же діти не наберут злых навыков.

Кошт такого дітського приюта невеликий, а користь для родичей и для безработной интеллигентной молодежи може быти велика.

Кырвава революция в Испании.

В Испании и ей афрыканской кольонии Марокку выбухла революция, котру приготвило и начало войско. Революционеры завладіли Марокком, а в Испании ліс ся кров.

Як знаме, в Испании обнял недавно власть т. зв. „народный фронт“, до утвореня кетрого причинили ся в головной мірі коммунисты. От того часу Испания стала ся тереном розрухов и анархии. Палили там костелы и монастыры, убивали невинных людей, конфисковали маєтки. Радыкально-лівы группы разом с коммунистами шаліли и истили ся на всіх тых, котры мали инши переконаня. В останніх днях убили тайно предводителя испанских монархистов, посла К. Сотелью.

Смерть его стала ся кличем до революты. Группы правы и уміркованы рішили помстити смерть своего предводителя. По их стороні стануло войско. Революту начали в Марокку и по опанованю того, перешмарили ся до Испании. С Испании приходят штотаз новы висти. Бесідуют аж и о том, же повстанцы завладіли уж большом частью краю со столицом Мадрытом. Правительство однак розсылат висти, же скоро здавит революту.

Положене однак мусит быти трудне, если в одном дні испанске правительство змінило ся трираз.

Ведля останніх вистей положене в Испании єст таке: Цілу полудневу часть Испа-

нии завладіли революционеры под руководством ген. Франко. Также Марокко находит ся в руках повстанцов. С полудневой Испании розвиват ся дальша акция, котра сягат в глубину краю. Опанована єст полуднева провинция Андалюзия и полночно-западня Астурия. В многих містах находят ся в руках революционеров радиовы станции. В Маляга войска переломили опор коммунистов. Войска революционеров зажадали уступления правительства, грозячи в противном случае бомбардованем важніших правительственных будынков в Мадрыті. Силы повстанчих отділов на терені цілой Испании обчислюють на 40 тысяч.

Правительство в Мадрыті через радио zdeградовало всіх офицеров и поддало войско приказам подфецеров. Министер внутренних діл отдал оружие до роспорядимости цивильного населения.

Испания, котра в останніх літах дає все знати о собі кырвавыма розрухами, тепер знова находит ся в стані страшной революции. Испанскы войска хотят тым разом выгнати с краю знамя серпа и молота, котре красує ся на большевицких прапорах.

Дві абисынскы армии атакуют Аддис-Абебу.

Величезне вражене выкликала висть о том, же сильны отділы нерегулярных абисынских войск напали с двох сторон на Аддис-Абебу. У ворот міста идут завзяты бои. По обох сторонах соткы убитых и раненых.

Офензиву ведут рас Сеюм и рас Касса (сын). Начальство италянских войск сподівало ся уж отдавна атаку абисынцев, але не могло слідити за рухом абисынских войск, бо перешкаджат тому дожджева пора, котра в том року пришла поздно, але дожджи сут так сильны, же с аероплянов не видно землю. В виду того боева акция самолетов єст сильно зредукована. В часі зливы не наносят шкоды также газовой бомбы. Крім того италянскы войска не уміют воевати в потоках дожджа, а натоміст абисынцы чуют ся на дожджи совсем добре и доходит часто до боев на штыкы, в котрых абисынцы горуют над италянами.

Италянскы войска не могут розвинути боевой акции, бо по розмоклых дорогах не можна перевезти армат и танков. Гдекотры новы дороги, побудованы италянами сут цілковито розмыты.

Осередком повстаня єст западна Абисыния, где сконцентрировали ся розбиты абисынскы армии.

Рим перечит всяким поголокам о боях в Абисынии.

Німецкий марш на Прагу.

Францускы газеты подают в передовицах о „маршу на Прагу“ и о німецких плянах выміреных против Чехословакии.

В світлі тых ревелаций, німецкий штаб занимает ся отдавна квестиом заакованя Чехословакии.

До року 1932 проєктowano примінити тоту саму методу, яку ужили Прусы в р. 1866 против Австрии.

Три отдільны армии вкročили втотчас, получили ся и побідили австрияков. По кількох тыжднях всьо было готово и Австрия была розбита под Садовом.

Втотчас малы Прусы заатаковали велику Австрию.

Тепер — пишут газеты — мала Чехословакия нашла бы ся в опасности со стороны великой Німеччины.

Крім того німецкий штаб числит также на симпатии населения полудневой Чехословакии для Венгрии.

Осередком тых приготвлень єст ведля газет Дрезно. С Нормбергы и Вроцлава выршили бы войсковы отділы, штобы вкročити до Чехословакии от всходу и западу.

Тот початковий плян змінено тепер, бо Німеччина числит ся с тым, же пограничне население в числі около 3 миллионов, котре єст народowo-социалистичне, не буде ставляти опору и тото облегчит марш на Прагу. Німецкы дороги (автострады) доходят аж до Чех. Перекроченє границы буде легке.

Одночасно німецка армия має вкročити на Моравы и до Австрии. Наступит тото одночасно с атакoм венгерской армии на Словакию.

Німецкий штаб уважат тот атак за чисто льокальний и судит, же война на роспространит ся дальше на Европу.

По Чехословакии Німеччина має охоту загорнути также и Румунію.

Але тота справа єст позднійша и можна ся ей сподівати не скорше, як за... 2 літа.

Так кончат ся фантастичны ревелации французских газет.

БОКСЕРОМ И РЕВОЛЬВЕРОМ ШИРЯТ УКРАИНСКУ КУЛЬТУРУ.

В ноці на 9-го липня в селі Лабові новосандецкого повіта напал на спячого на сіні в stodолі паробка, Аркадия Пелячика, члена місцевої читальні ім. М. Качковського украинофильский герой-бандыта, студент Газевич, сын бывшего катехета в Новом Санчи и нанес ему боксером ряд кырвавых ударов в голову. Пробуджений ударами Пелячик сорвал ся и начал утекати. Втотчас герой-бандыта отдал в слід за ним два стрілы и на пожиченом ровері скрыл ся в темноті ноці.

Аркадия Пелячика, котрому одна куля застрягла в боці, перевезено до шпиталя в Новом-Санчи, где боре ся со смертю.

Факт тот свідчит сам за себе о той „великой любви“ украинофилов до руского населения Лемковщины. Они его так любят, што хотіли бы, штобы всі руснакы стали ся украинцами, а коли кто не хоче йти по их думці, втотчас мають на него боксер и револьвер.

С чого робят труючи газы.

В часі подорожи по Познанском оден варшавский газетар звернул увагу на добробыт в сельском хозяйстві на ріком Пржемшом. Особенно здивовали его величезны ланы, засіяны горчицом и маком.

По што так дуже маку? Кто потребує таку масу горчицы?

— Єст конюнктура на мак и горчицу. Ціны поднесли ся тепер сильно, — отвічає господар. Мак єст продуктом, с котрого вырабають трующий газ иперит.

Горчица єст также промысловом рослином, купованом охотно через чужи державы. Єст она потребна при продукции иншого трующего газу — фосгену.

Оба тоты землеплоды продає ся пак до Німеччины и Франції и там в фабрыках тоты невинны рослины о милых квітах заміняють ся в перше огниво наглої смерті.

БУДУТ СЧЕРКНЕНЫ СО СПИСУ БЕЗРОБОТНЫХ.

Головне Бюро Фонда Труда продолжило термин рекрутации безработной молодежи до Охотничих Дружин Робочих до дня 28. липня т. р. До tych дружин жоже быти принята мужеска молодеж в віку от 16 до 20 літ с тым, же 19 и 20-літны молодцы маюť право первенства.

Тых безработных зареєстрованных в громаді в віку до 20 літ, котры до 28. липня т. р. не зголосят ся до Охотничих Дружин Робочих, має заряд громады счеркнути со спису безработных.

СОВІТЫ НАРІКАЮТ НА МАЛУ ДОХОДНОСТЬ И ЗЛЫ УРЛОВІЯ ТРУДА В СЕЛЬСКОМ ХОЗЯЙСТВІ.

Москва, 22. липня. „Труд“ накликує до сотвореня таких условий, штобы миллионы „ударников“ могли стати ся „стахановцами“. Газета пише дальше, же рольник спеціялиста мусит сам выполняти подрядны роботы, што обнижат доходность его труда. До устраниеня тых всіх недостатков сут покликаны инжинеры, техники и члены фаховых союзов. Крім того газета пише, же матеріальны и культуральны условия быта в сельском хозяйстві сут злы и тото являть ся одним с найважніших причин слабой доходности.

Зберанє ярого зерна.

Зберанє ярого зерна єст значно трудніше, як озимин, бо солома озимин досыхат в снопах, а солома яра звязана в снопы за косом, легко ся розгріват, через што тратит и зерно и солома. Прото тыж треба косити яры зерна на покос, где лежить оно при доброй погоді 2—3 днєй и аж втотчас вяжеме зерно повереслами с житной соломы и складаме до стогов. Если в ярині был засіянный конич, то сушенє на покосах треват долше.

Таке сушенє wymagať однак доброй погоды и прото в послідных часах часто вяжут ярину зараз за косом. В тых случаях зерно мусит быти добре дозріле и снопы малы. Снопы такы схнут пару днєй и аж пак складат ся их в стогы.

Єст то конечно, хоць клопотливе, бо яра солома єст мягка и легко втігат воду. Не можна полагати на том, же ярина, особливо ячмень скоро доходят на пні. Яры зерна, хоцьбы сухы „як перець“ по зложеню в стодолі без попередного доброго высушеня, начинают загрівати ся по килькох днєх. Треба их втотчас вывозити со стодолы и наново сушити. Лучше аджек зроби́ти тото о́раз бо роботы єст меньше. При том не треба забывати, же зерно загрітого ячменя, особливо броварняного, тратит всяку вартость и не надає ся совсем до выробу пива. Тратит при том барву, што єст при продукции пива основном вадом. Так само овес тратит дуже на вартости и нпр. войско не купує совсем загрітого овса. Если недосушенный овес зложиме

в стодолі, го загріваюче ся зерно тратит свой склад, наберат стухлого запаху и червеной барвы. Такой червеноый овес єст для живины барз шкодливый и тому тратит всю свою вартость.

С того видно, же при жнивах ярого зерна єст больше роботы, бо треба досушати солому и зерно. Клопот тот увеличат ся ище втотчас, коли ячмень на покосах поліє. В том случаю зерно не тратит на вартости, яко млынарский материал, але змінят от дожджу барву, темніє и концы зерна сут часом аж чорны. Такой ячмень не купит жаден бровар и не надає ся он на вывоз заграницу.

Солома ярого зерна має большу кормову вартость от соломы озимин, прото тыж єст уживана в зимі, яко корм для яловника. Если єст она перерослена травом и коничом, то наберат она ище большого значеня, бо позвалять газдови заощадити много сіна. Загріта солома не надає ся на пашу, збутвіла єст шкодлива.

С того видиме, же зберанє ярого зерна wymagať от господара много стараня и роботы, а ціла штука лежить в том, штобы с одной стороны, добре высушити солому и зерно, а с другой, ухоронити зерно перед дождем.

Коприва, яко паша.

Коприву уважають у нас за уприкренный бурян, котрый хыбаль пото лем росне на поли, штобы печи людям ноги и руки. Ище молоду коприву зберат часом запобіглива газдыня и посічену дає куркам и гуськам, але стару оминають всі, яко непотребне зло.

А тымчасом в чужих краях, где дбають о хов статку, сіють спеціяльно коприву и зберают так, як у нас сіно, або конич.

Высушена и посічена на січку коприва, вымішана с січком с мягкой соломы єст барз добром пашом для молочных коров и коней. Молоко от кормленых копривом коров єст смачне, а масло жолте, у коней полыскує серсть.

Нич в том дивного, бо коприва має больше кормовых складников, як люцерна. Має она в собі много білка и тому надає ся барз добре на пашу для живины и кур, котры насут ся добре, если до їды додає ся им січки с высушеной копривы.

Листє молодой копривы їдять также людє, уживаючи его вмісто шпинаку.

Прото тыж коприва може дати нам користь, особенно тому, же росне на найпланьших землях, а жбырков у нас єст дост.

Потребный дяко-учитель.

Дяковска школа в Вороблику Королевском глядат дяко-учителя с добрым голосом и знающого добре ирмологіон, устав и веденє хора.

Условия по договору. Може быти женатый. В таком случаю жена займе ся кухном для дяков.

Прошеня вносити до Апостольской Администрации Лемковщины в Рыковно-Здрою.

Иде ку лучшому.

В сельском хозяйстві видно малу поправу. Понятно, не єст ище добре, але гдєкотры факты кажут нам вірити, же поволи и хлоп на селі дожде ся взглядного добробыта.

Ціны зерна сут выши, як перед роком; таксамо поднесли ся ціны живины и отворили ся рынky збыту.

От мая 1935 до мая 1936 ціна зерна поднесла ся с 35.7 до 36.8, а ціна звірят с 30.9 до 41.1.

Одночасно зменьшили ся ціны промысловых товаров, купованых через селян с 66.8 до 64.3.

Таким способом приходит до суженя ножиц, котры, почавши от 1929 року начали ся отверати штора́з больше на некористь села и в р. 1932 была найбільша ріжни́ца меже цінами товаров промысловых и рольных продуктов. Тепер послідовал момент замыканя ся тых ножиц.

Користным явленєм єст тото, же замыканє ножиц иде с обох сторон: одночасно подносит ся ціна землеплодов и живины и обнижают ся ціны товаров промысловых.

Правда, тота поправа єст незначна и не заспокоює потреб села, але єст она віщухом, же село ввошло на дорогу до поправки.

БЛАГОДАРЕНЄ.

Щиросердечно благодарим духовных О.О. Георгия Павлишина с Чорного, Михаила Балыка с Бортного, І. Крыцкого с Радоцны, О. Приходника с Тылявы, Григория Герасимова с Воловца за торжественне отслуженє св. литургии и освяченє талергофского памятника в Баниці, а также за выголошенє проповіді.

Сердечно благодарим прихожан из Бортного и Перегоныны, котры со своим дух. О. Мих. Балыком явили ся „крестным ходом“.

Благодарим всіх стариков и молодых, мужчин и женщин, близких и дальших сусідов, бо от Кросна по Грибов, от Вапенного по Радоцны за численне участие.

Числом, строем и организованностью отличали ся селяне: 1) из Бортного, зложивши масу вінков на талергофском памятнику 2) молодеж из Перегоныны в рускых народных строях и 3) жителі села Липна со знаным талергофцем Иваном Пелешом во главі.

С опасности перед бурею програму дня скорочено. Много пісень и декламаций отложено на другой рок. Чувствовал ся недостаток духового оркестра и спортивных дружин, котрым в слідующом року посвятит ся особе вниманє.

В постройкі платформы из баничан особенно потрудили ся: Григорий Гбур, Василий Павлик, Лука Шкимба, Юрко Мотыка, Михаил Мотыка с братьями Стефаном и Васильом, а при постройкі брамы — Стефан Филяк и Василий Бігуняк.

Честь и слава всім потрудившим ся.

Правленє чит. им. Качковского в Баниці.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“

Што чути в світі.

Америка проживат тепер неготований от 50 літ рок спеки. Спека спричинила величезны шкоды, заміняючи управны поля на пространстві тисячей кильометров в пустыню. Перешло 4000 людей згинуло до того часу от спеки. В послідних днях пришли вісти, доносячи о появленю ся на полях шаранчи, котра нищить все, чого ище не выпалило сонце. Около 200 тысячам господарств грозит цілковита руїна.

До Праги приїхал шеф совітской воєнної авіації ген. Алкнис разом со своим штабом. Приїзд тот єст вымовным доказом чєско-совітской приязни.

Мексык: В Мексыку заштрайковали роботники електровні. В наслідок того штрайку стануло в цілом Мексыку 3200 фабрик и варстатов с 60 тысячами роботников. Столиця Мексыка єст позбавлена воды. Сістны продукты сут страшно дорогие. На скорє окончєнє штрайку не заносит ся.

Льондон: Мин. Иден, промавляючи в парламенті, подчеркнул, же Англия годит ся сотрудничати с каждым державом, чтобы лиш зликвидовати напружєнє в Европі. В часі нарад в парламенті дало ся вычути, же Англия не єст противна дати Німєччині уступства в справі признаня єї колонии.

Льондон: Генерал Франко, предводитель испанских повстанцов заявил, же обнял руководство над повстанєм для того, чтобы уратовати Европу от опасности комунизма.

С Константинополя доносят, же Турция обсадила войском и флотом місто и стары форты над Босфором.

В Англии, на острові Вейгт отбыло ся торжественное опушєнє на воду ново побудованого воєнного польского корабля „Гром“.

Льондон: Мин. Иден жде доклада Высокого Комисара Лиги Народов в Гданску, Лестера на тему послідных декретов Сената. Если бы рапорт Лестера подтвердил, же Сенат нарушил конституцию, министр Иден скличе сейчас комитет „Трох“, котрый рішит, чи заходит потреба скликати сєсию Рады Лиги Народов.

С Москвы дня 20.VII. выстартовал самолет с трома летчиками. Летчики наміряют перелетіти без опаданя на землю трасу Москва-Баренцово море — Земля Франца-Осифа — мыс Челюскина — Петропавловск на Камчатці — Николаевск над Амуром — Рухлово — Чита. Долгота полета выносит около 11 тысяч кильометров. Самолет побудовано специально для той подорожи в Центральном Аэродинамичном институті. Єст то одномоторный моноплан с великими крылами. Єст то одна с найсмільйших воздушных подорожей.

До Парыжа приїхало двоих испанских офицеров-летчиков, заосмотренных в дипломатичны паспорты. Офицеры тоты мають поручєнє просити французске правительство о помоч в ціли привєрненя ладу в испанском Марокко.

Каир: Напружєнє в Палестині увеличат ся. Жидовске населєнє боит ся купувати сістны продукты в виду поголосок о затрутю их арабами. Бєсідуют о случаях затрутя молока, масла и мяса.

Нанкин: Домашня война двоих кытайских держав—Кантона и Нанкина — кончит ся. Войска Кантона розбиты. Часть их перешла на сторону Нанкина. Вожди кантонских войск, видячи безвыходное положение своей армии, схоронили ся на острові Гонг-Конг. Начальный вожд нанкинской армии ген. Чанг-Кай-Шек, лично прибыл на фронт. Ведля послідных вістей нанкинскы войска заняли Кантон.

Москва: Лікар Шауфлер с Саратова нашол препарат „Хлорацид“, котрый випробовано через три літа в многих клиниках. Препарат оказал ся знаменитым антисептичным ссредством, бо убиват всі устойчивы микробы и не нищит тканку. В России приступлено до организации продукции хлорацита.

Парыж: В французских газетах появили ся цікавы артыкулы о том, же Совіты не могут дати Франции в случае войны Франции с Німєччином такую воєнну помоч, якєй належало бы ся надіяти. Причином того, ведля тых газет єст того, же Россия має за мало желізных дорог и не може перешмариати скоро войска с одного місца на другє и того, же совітскы войска мусіли бы перейти через Литву або Польшу, або Румунію и Чехословакию, чтобы достати ся до Німєччины, а на такой перемарш тоты держары не позволят, а при том совітска армия мала бы утруднений довоз апровизации.

Вісти с краю.

Кракові 21 т. м. Г-н. Президент Р. П. принял на Вавельском замку в посольской салі италиянского амбасадора г-на Петра Велентино, котрый зложил увірительну грамоту.

В Гдыні 20 т. м. по похоронных торжєствах ген. Орлич-Дрєшєра отбыла ся важна нарада Г-на Президента Р. П. с Ген. Инспектором Оружных Сил ген. Рыдз-Смиглым, премієром ген. Славой-Складковским, инсп. армии ген. Соснковским, министром заграничных діл Беком и воєводитом поморским Рачкевичом в ділі Гданска.

Варшава Правительственны кругы робят приготовленя до новой реформы рольной. На парцеляцию меже малорольных и безрольных будут перезначены гдекотры державны маєткы, а также в першой мірі тоты приватны маєткы, котры сут надмірно зєдолжены и мають незаплаченны податкы. Перший стан рольной реформы має быти переведеный в 4-ох літах. В том часі має правительство перезначити около 180 миллионов злотых на рольну реформу и устройство сельских хозяйств.

Варшава: Дня 19 VII. отбыли ся в многих польских містах манифєстации в ділі Гданска. На собраниях ухвалєно, же польске

населєнє протівставит ся всяким пробам нарушєния прав Польщи до Гданска и жадат утрєвалити и поширити тоты права.

Варшава: Один житель Познаня (Длуги) перєслал Муссолиниому гратуляции по поводу побіды над абисынцами и подал предложєнє, чтобы в Абисинии отступлено часть територии на основанє польской колонии. Секретар Муссолиниого подяковал за гратуляции и заявил, же Муссолини надумат ся над справом польской колонии в Абисинии.

Талергофске Торжєство.

Дня 9-го сєрпя т. р. читальня им. М. Качковского в Поворознику устроєт ТАЛЕРГОФСKE ТОРЖЄСТВО.

Програма торжєства слідуєча:

- 1) о год. 1 1/2 по полудни сходка в домі читальні.
- 2) о год. 2 по полудни поход на кладбище.
- 3) о год. 2 1/2 по полудни панихида.
- 4) По панихиді промова, посвяченя памяти мученикам світовой войны и вбыванє гвоздей (металевых табличок с назвисками мучеников) в памяткову доску.
- 5) Поход с памятковом таблицом до читальні.
- 6) Академия в читальні.

Торжєство має характер повітового свята. Выділ читальні дал поробити металевы табличкы (гвозді) с назвисками всіх талергофцов и всіх мучеников світовой войны с цілого повіта новосандецкого. Гвозді тоты буде вбивати ся в памяткову доску, котру пак повісит ся в салі чит. в Поворознику.

Гвозді с назвисками талергофцов вбивают власноручно самы талергофцы. За погыбших, померших або неprisутных гвозді вбивают члены их родин.

Гвозді с назвисками талергофцов будут уложены в надпис: В память рускым страдальцам Талергофа 1914—1918“.

Замовленя на гвозді с отвѣтными надписами высылати в чит. им. М. Качковского в Крыници-Сєлі на руки г. Алексия Громєска, або до чит. им. Качковского в Поворознику, почта Мушина на руки г. Паньчака Григория.

Гвозді роздаст ся в день свята в чит. в Поворознику.

При замовленю гвоздей треба заплатити 50 гр. за штуку.

Выділ чит. в Поворознику.

КТО ХОЧЕ ЗАБЕЗПЕЧИТИ СЕБЕ НА
СТАРОСТЬ И РОДИНУ ОТНУЖДЫ И ГО-
ЛОДА. АБО ЗЛОЖИТИ ДІТЯМ ВІНО.

НЕХАЙ ЯКНАЙСКОРШЕ

заасєкурує ся
в асєкурацийном
Товаристві
ВИТА И КРАКОВСКЕ
во ЛЬВОВІ

Асєкурацию принимают [на цілой Лемковщині] представитєлі: гг. Осиф Яновичкый — Крыница-Сєло и Михаил Перелом — Сянок.